

**Kalaallit Nunaanni
Kommunik Nakkutillisoqarfiup
Suleriaasia**

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi §§ 60 – 65 naapertorlugit Nakkutillisoqarfik pilersinneqarpoq.

Nakkutillisoqarfiup aaqqissugaanera

§ 1. Nakkutillisoqarfik allattoqarfimmik ilaasortanillu tallimanik ukuusunik katitigaa-voq: Kalaallit Nunaanni Nunap eqqartuussisuunerata nakkutillisoqarfiup siulittaasua-nik taassumalu ataatsimik arlalinnilluunniit sinnisussaanik toqqaassaaq, tamarmillu inatsisilerituutut soraarummeersimasuussapput, ilaasortat marluk Inatsisartunut qiner-sinerit tamaasa kingornatigut Inatsisartunit toqqarneqartut, aamma ilaasortat marluk kommuninut qinersinerit tamaasa kingornatigut kommunalbestyrelsinut nutaamik qini-gaasut akornanni KANUKOKA-mit toqqarneqartut.

Imm. 2. Siulittaasup Kalaallit Nunaanni Nunap eqqartuussisuunerata sinnisussatut toqqagaasa akornanni siulittaasup tullia imminut taartigitissalluni piginnaatissinnaavaa.

Ataatsimlinnerit ingerlanneqarneri ataatsimiigiaqqusissutillu

§ 2. Nakkutillisoqarfik ima akulikitsigisumik ataatsimiittassaaq siulittaasup imaluunniit ilaasortat pingasut pisariaqartitsinerat tunngavigalugu.

Imm. 2. Pisuni ataasiakkaani ataatsimiigiaqqusinissamut piffissaliussat qanorlu ataatsimiigiaqqusisoqar-nissaa siulittaasup aalajangiiffigisassavai.

Imm. 3. Ataatsimiinnermi oqaluuserisassat aammalu suliassat ataasiakkaat pillugit nassuiaatit ataatsi-miinnisaaq sapinngisamik kingusinnerpaamik sap. akunneranik ataatsimik sioqqullugu Nakkutillisoqarfiup ilaasortaanut nassiusuunneqassapput.

§ 3. Nakkutillisoqarfimmi ilaasortat sinnisussaat ataatsimiigiaqquneqassapput nakkutillisoqarfimmi ilaa-sortaq nakkutillisoqarfiup ataatsimiinnerani peqataasinnaangikkaangat.

Suliassat piareersarneqartarnerat

§ 4. Nakkutillisoqarfiup suliassai oqaluuserineqarnissaannut Allattoqarfiup piareersassavai tamatumani lu suliassanut oqaaseqaatit piniartassallugit pissusiviusullu paasiniaavigissallugit, nalorninartoqarpat siulittaas-q oqaloqatigereerlugu.

Imm. 2. Suliassanut ataasiakkaanut nassuiaat suliassami pissusiviusunik eqikkaavioq Nakkutillisoqar-fiup ataatsimiinnissaanut Allattoqarfiup sularissavaa taallugillu aalajangersakkat sulariqarfiup pineqartu-mut atuuttut. Suliat saqqummiunneqarnerini ersersinneqassaaq sulariq tunngavioqumik aalajangigassaa-nersoq.

Imm. 3. Kommunit Nakkutillisoqarfianut saaffiginnissutit kisiannili naalakkersuisoqarfiit ataani nakkutilli-suutitanit sularineqartussaasut, allatorneqassapput nakkutillisoqarfiullu ataatsimiinnissaani siullermi ilaa-sortanut ilisimatitsissutigineqartassallutik.

Suliat sularineqarneri

§ 5. Siulittaasoq ikinnerpaamillu ilaasortat ilaat marluk ataatsimiinnermi peqataagaangata aalajangeeqa-taasinnaanginnerlu pissutigalugu nakkutillisoqarfiup oqaluuserinninnerani taasineranilu peqataasinnaati-taangikkaangata Nakkutillisoqarfik aalajangiisinnaassuseqarpoq.

§ 6. Nakkutillisoqarfimmi ilaasortaq suliassap kommunimut, nakkutillisoqarfimmi ilaasortap kommunalbestyrelsimi ilaasortaaffigisaanut, tunngassuteqartup oqaluuserineqarnerani imaluunniit taasisutigineqarnerani peqataasinnaangilaq.

Imm. 2. Nakkutillisoqarfimmi ilaasortaq suliassami, nakkutillisoqarfimmi ilaasortap akuuffigisaani imaluunniit inuttut pingaarutilimmik soqutigisaqarfigisaani, imaluunniit suliassami akuusut ilaata arlalliluunniit ilaasortaq attuumassuteqarfisami, suliassanik ingerlatsisarneq pillugu inatsit malillugu, oqaluuserineqarnerani imaluunniit taasisutigineqarnerani aamma peqataasinnaangilaq.

Imm. 3. Nakkutillisoqarfimmi ilaasortap Nakkutillisoqarfik ilaasortatut arlaannaannulluunniit attuumassuteqannginnerminut nalornissutaasinnaasunik peqarpat ilisimatissavaa. Tamanna pereerpat ilaasortap aalajangeeqataasinnaassusia Nakkutillisoqarfiup aalajangiiffigissavaa.

§ 7. Nakkutillisoqarfimmi aalajangiinerit nalinginnaasumik amerlanerussuteqarnikkut aalajangiiffigineqasapput, taamaattorli tak. § 9. Taasinerit naligiippata siulittaasup taasimera aalajangiisuuvoq.

§ 8. Nakkutillisoqarfiup aalajangiineri ataatsimiinnerup ingerlanerani aalajangiinernut imaqarniliami allatorneqassapput.

Imm. 2. Ilaasortaq kinaluunniit pisinnaatitaavoq immikkut isummernermi Nakkutillisoqarfiup aalajangiinernut imaqarniliaani allatsinnissaanut.

§ 9. Siulittaasup Nakkutillisoqarfik sinnerlugu suliassat kinguartinneqarsinnaangitsut imaluunniit nalorninartoqanngippata aalajangiiffigisinnaavai. Aalajangerit taamaattut pillugit nakkutillisoqarfiup ataatsimiinnermi tulluuttumi siulittaasup ilisimatitsissutigissavaa.

Aalajangiinernik naammassinninneq

§ 10. Nakkutillisoqarfiup aalajangiineri aalajangiinermut patsisilikkatut allaganngorlugit suliarineqassapput atsiorneqassallutillu siulittaasumit imaluunniit taamaaliornissamut siulittaasumit piginnaatinneqartumit.

Imm. 2. Nakkutillisoqarfiup aalajangiinerani taaneqassangilaq aalajangiineq isumaqatigilluni imaluunniit amerlanerussuteqarnikkut aalajangiinerusoq.

§ 11. Allattoqarfiup isumagissavaa Nakkutillisoqarfiup aalajangiineri pillugit nalunaarutit pisariaqanngitsumik kinguarsaanani nassiunneqarnissaat.

Aalajangiinerit tamanut nalunaarutigineqarneri

§ 12. Tunngaviusumik aalajangiisoqartillugu ataatsimiittoqareeraangat tamanut nalunaarutigineqartasapput.

Imm. 2. Aalajangiinerni tamanut saqqummiunneqartuni atuarneqarsinnaassangilaq aalajangiinermi kina pineqarnerusoq.

Nipangiussisimasussaataaneq

§ 13. Ilaasortaq kinaluunniit, Nakkutillisoqarfimmut allatsi imaluunniit oqalutsi / nutserisoq nakkutillisoqarfiup ataatsimiinnerini pisimasut eqqarsaatigalugit aamma allatigut inuit ataasiakkaat imaluunniit inuttut aningaasatigut atugaat suliaminut atatillugu paasisimalersimasaminik nipangiussisimalluinnartussaataavoq.

Imm. 2. Nassuiaatit allallu ataatsimiinnermi atugarisimasat isumannaatsumik paarineqassapput imarisaat susassaqanngitsunit ilisimaneqaleqqunagit. Suliat naammassineqareersut pillugit atortussat suujunnaarsitaassapput imaluunniit Allattoqarfimmut utertinneqassallutik.

Allagaatinik takunnissinnaatitaaneq

§ 14. Suliani peqataasunit allanillu allagaatinik takunnissinnaatitaaneq pillugu saaffiginnissutit Allattoqarfimmit suliarineqartassapput. Allagaatinik takunnissinnaatitaanermi pisortat ingerlatsinerat pillugu inatsit malillugu erseqqissumik piumasaqaataappat allagaatinik takunnissinnaatitaaneq Allattoqarfiup nalunaarutigissavaa. Nalornisoorutit siulittaasumut saqqummiunneqassapput.

Kalaallit Nunaanni Kommunit Nakkutilliisoqarfiat, ulloq 1. juni 2016



Sólja Í. Ólavstovu
Siulittaasoq